



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Compendium Totius Tractatus De S. Matrimonij
Sacramento R. P. Thomæ Sanches E Soc. Iesv**

Sánchez, Tomás

Coloniæ Agrippinæ, 1624

7. Interdictum.

urn:nbn:de:hbz:466:1-41559

infideli conuerti, licet habitare velit sine Dei contumelia; prius monitione factâ, nisi existat probabilis conuersionis spes, vel reducatur ad fidem ante mutationem status, etiam si interueniat sententia Ecclesiastica separationis, *lib. 7. disp. 76. à nu. 1. vsque ad 5.* Et si fidelis iam professus vel sacris ordinibus insignitus, vel voto castitatis ligatus sit, non est reddendus, infideli postea ad fidem conuerso. Secus dicendum, quando est in anno nouitiatus, *ibid. nu. 6. & 7.*

25 Infidelis validè ad aliud matrimonium transit, dissoluto matrimonio per trāsitum fidelis ad alias nuptias, vel per professionē. Secus dicendum de transitu ad ordines sacros. Poterit tamen infidelis postea conuersus, quando fidelis ad ordines sacros transijt, ingredi in religionem. Item licitum est infideli, dissoluto semel fidelis matrimonio, ad aliud transire, *lib. 7. totâ disp. 77.*

Interdictum.

1 Interdictum non incurritur ob culpam ueniam. *lib. 9. disp. 32. nu. 29.*

2 Tempore interdicti potest licitè & validè contrahi matrimonium. Item tempore cessationis à diuinis omnia sacramenta licent, sicut in interdicto. Et specialiter interdicti validè contrahunt. Etiam in Ecclesia specialiter interdicta potest matrimonium celebrari & omnia permissa in interdicto, & denuntiationes fieri possunt, *lib. 7. disp. 8. à num. 1. vsque ad 8.*

3 Tem-

3 Tempore interdicti non possunt conferri benedictiones nuptiales, hodie tamen possunt licite conferri, seruatō moderamine, capit, Alma Mater. *in 6. de sent. excomm. v. g. summissa voce, ianuis clausis, excommunicatis, & interdictis exclusis.* Et hæc permissio solum intelligitur in interdicto generali, & non speciali. Tamen non licet cum illo moderamine extra Ecclesias, tempore interdicti, benedictiones nuptiales, vel alia officia diuina celebrare, nec tempore cessationis à diuinis cum dicto moderamine, *lib. 7. disp. 8. à nu. 9. vsque ad 14.*

4 In festiuitatibus, in quibus iure suspenditur interdictum, licet publicè, & solemniter benedicere nuptias, & cætera diuina officia celebrare, nisi alia ex causa ei non sit prohibitum eas benedici. Idem dicendum de tempore cessationis à diuinis in prædictis festiuitatibus. Secus dicendum, si Ecclesia sit specialiter interdicta, *lib. 7. disputat. 8. à num. 15. vsque ad 18.*

5 Sponsalia inita contra Pontificis interdictum, cum decreto irritanti, quamuis generali, nec sponsalium mentionem facienti, sunt nulla. Secus dicendum de interdicto non irritanti. Item matrimonium in initum contra interdictum Pontificis sine decreto irritanti, vel saltem generaliter irritanti, non facienti mentionem matrimonij, & si faciat mentionem specificè, si causa est temporalis, erit

M. 4

nul-

nullum, in quantum præiudicat alicui liti, ob cuius impedimentum est interdictum. Si verò erit causa perpetua, erit nullum simpliciter. Et hoc intelligitur, siue prohibitio Pontificis sit per modum constitutionis, siue præcepti, *li. 7. tota disp. 2.*

6. Interdictus ab ingressu Ecclesiæ potest licitè in ea recipere benedictiones nuptiales, & audire diuina, & facere, quidquid laico licet, & matrimonium inire, *li. 7. disp. 9. nu. 15.*

Irregularitas.

1. Sacerdos ducens viduam est irregularis. Idem, si contrahat cum conditione impossibili vel turpi, *li. 5. disp. 3. nu. 22.* Item est irregularis, liber ducens ancillam. Tamen non peccat contrahendo, *li. 7. disp. 19. nu. 13.*

2. Coniugatus absque vxoris licentiâ recipiens ordinem sacrum, est irregularis, ac officij & beneficij Ecclesiastici incapax, etiâ post solutum matrimonium. At vt incurratur, requiritur dolus, excusatque illum queuis ignorantia iuris vel facti, dummodò non affectata. Item requiritur, quòd matrimonium præcedens sit validum. Et non incurritur, quando promouetur de licentiâ vxoris manentis in sæculo sine voto. Secus dicendum de licentiâ extorta metu vel dolo, aut dissimulante vxore. Item non fit irregularis vir cõiugatus promotus ad ordines minores absque debita licentiâ, nec incurrit suspensionem, quam tulit Sixtus Quintus in suo motu proprio anno 1588.

quia